

涵秋筆記


天笑題



●摩西大律師代表國學書室啓事●

爲通告事茲據
敝當事人國學
書室現出版新
著九尾龜十三
集起及涵秋筆
記並新新百美
圖等書籍發行
各處應有版權
他人不得化
名●轉載●
翻印●等情
除向各官廳註
冊外特行委託
本律師鄭重聲
明此啓

民國八年六月出版



版權所有
翻印必究

涵秋筆記第一冊

定價大洋六角

著作者 李 涵 秋

發行者

上海白克路三八八號
國學書室
電話四一千二百八十

寄售處

上海望平街
新申報館售書處
神州報館發行部

外埠每冊
郵費一分

小札
跋記

涵秋筆記目錄

(江都李涵秋著)

▲彩鳳隨鴉記

▲鐵頭頭陀

▲赭雲

▲鄉心如

▲懷軍冤獄

▲青棠

▲記唐烈婦事

▲尙書第鬼

▲陳月珠

▲方希孟

▲鏡光巖

▲呂鳳梧

▲義僕

▲媚蓉

▲離愁雜誌

▲折獄二則

▲辰州符

▲綠柔

▲楚昭王第二

▲情誤

▲義驃

▲錦袂案

▲噓能言

▲文娥

▲弟兄鬪富

- ▲ 靈欄
▲ 殺虎堡
▲ 謝鏡紅
▲ 馬道婆
▲ 偽金磚
▲ 惜花生
▲ 圓光
▲ 丐醫
▲ 俠女

札記
小說

涵秋筆記

(江都李涵秋著)

彩鳳隨鴉記

呂鳳坪。皖之名士也。年逾三十。無妻子。以筆墨自給。善爲小說。尤長言情。是時滬上報館林立。生遂亦得占一席。硯田所入。良不寂寞。有與之論婚者。輒笑謝之。知生之事者。謂生實屬意於一女。郎曰章鳳翹。爲其遠姑之弱息。父母業賈。鳳翔絕慧美。顧已幼。字於鴉氏。鴉氏宦於京師。久不通音問。故年雖及笄。猶盈盈。璇子也。鳳翹嗜讀小說。尤嗜生之所著。遇有不解處。俟生來。必絮絮問之。稿有未完者。又綜事之顛末。詳詰其結局如何。聞圓滿則喜。聞離散則悲。文人構思。喜故爲波折。或描寫至沈痛時。鳳翹輒不忍讀。至泣下。用柔情勸生。囑牛作苦辭。語蓋人之多情。雖明知小說爲虛構。迹象然終不忍使書中人多所斷腸也。生徇鳳翹意。是以一書之出。外人多來狀元團圓之誚。聲價頓貶。蓋篇幅完全。精神必不能完全也。然而生不恤也。二人情好。逾於膠漆。然舍耳鬢厮磨外。

實無所染。蓋使君雖未有婦。而羅敷實已有。夫世間之缺陷。固有無可如何者。爾鳳翹之父母。屢致書於鴉。促其迎娶。鴉則置之。親友中又多蜚語。謂鴉薄其爲。賈不願論婚。鳳翹聞之。嚶嚶泣。章父大怒。以民國成立。有自由離婚之律。思起訴於法庭。與生商酌。鳳翹亦在側。鳳翹之母亦笑語生曰。假使鳳兒不多此一番周折。當嫁與汝。則吾心滋慰。且姪名鳳。吾女亦名鳳。求鳳之曲。倘在人間。較勝於隨鴉多矣。生聆母語。願鳳翹而笑。鳳翹則羞暈滃于眉際。俯首不語。益增嫵媚而已。生退而語鳳翹。謂父言如何。卿苟以爲然者。則吾願竭棉薄。卿須知吾非寡情者。鯨魚之悲。卿忍使吾終古耶。言際引身近鳳翹。蓋一縷情絲。有不能自制者矣。鳳翹聞言。羞絕。四顧無人。乃私語生曰。兄之眷愛。非不知之。然知之而終不能慰兄者。則以身爲女子。首重道德。道德何所表見。則婚姻是已。舍天合之絲蘿。而別謀琴瑟。則不貞之誚爲玷已多。兄亦安所取焉。彼世間之女子。借文明而飾其穢迹者。豈少也哉。兄不是之愛。而惟妹是愛者。知兄之意。在此不在彼也。設從老父之意。旨夫已氏必不能甘指摘而播揚之。則兄之

與妹更何顏存立於此世界。閨房靜好。清夜終有。咎心與其悔之。子事後執若。愼之于幾先。葳蕤之質。雖不能永抱衾裯。然而一瓣私衷。固非兄莫屬耳。區區之意。言盡於斯。至兄爲七尺丈夫。亦不當以女子故而使舅氏墜其宗祧。天下多美婦人。兄速委禽焉。則慰妹者已多。曩者久懷此意。往往以羞於啓齒。而罷今兄既慨然以婚姻見乞。則妹之進言。此其時矣。兄其諒之。生聞鳳翹言。皇然失措。良久乃蕭然嘆曰。卿言真針砭哉。足起膏肓而藥痼疾矣。肉慾之福。誠不敢望。然痴情所注。已在妹洞鑒之中。妹假使果有情於兄。請以一笑爲證。則自今以後。當不復更涉遐想。於是雙眸凝視。嬌面曾不少瞬。鳳翹無奈。何不禁從無窮慚懼之中。爲生盈盈破齒也。生於是爲鳳翹婚姻計。慨然與老父斟酌。願單身北上。訪於鴉氏。究竟取其進止。章父亦良感生。乃爲生摒擋行李。忽忽就道。前一夕。往晤鳳翹。鳳翹不肯出見。蓋羞生之意爲多也。生抵都城。投刺謁鴉。鴉聞從章處來。不得已出晤生。生陳述來意。鴉始猶支吾。生侃然與辨論。鴉詞折乃館生於家。使章子出見生。目矚之一四。肢柴立面白如瓠之少年也。貌不

文。而。言。語。鄙。俚。詢。其。字。則。曰。占。魁。詢。其。業。則。以。讀。書。對。會。從。小。說。中。得。觀。生。名。至。是。知。爲。生。頗。致。謔。折。邀。生。入。其。書。室。強。生。與。論。文。並。謂。擬。拜。生。爲。師。將。學。作。小。說。生。唯。唯。笑。語。鴉。曰。書。生。不。得。已。藉。賣。文。爲。活。所。謂。英。雄。末。路。者。也。以。公。子。家。世。貴。而。多。金。何。患。不。溫。飽。絮。絮。於。此。是。舍。康。莊。而。就。行。潦。非。計。之。得。也。鴉。曰。公。言。誠。是。雖。然。我。不。受。酬。但。乞。彼。操。筆。政。者。列。吾。名。於。報。紙。之。間。則。赫。然。鴉。占。魁。人。孰。不。知。之。想。報。紙。爲。營。業。性。質。只。須。不。費。其。多。金。則。筆。墨。劣。者。而。亦。寶。貴。之。矣。惟。是。奪。先。生。輩。之。衣。食。爲。喪。吾。德。耳。生。素。狂。亦。大。笑。曰。若。是。則。操。筆。政。者。盲。耳。苟。猶。有。一。寸。曙。光。則。鴉。占。魁。三。字。必。不。占。彼。篇。幅。良。無。用。公。子。煦。煦。爲。仁。晤。談。之。頃。鴉。忽。流。涕。生。驚。以。爲。語。侵。公。子。將。作。小。兒。啼。也。鴉。出。計。時。表。顧。而。哈。曰。與。先。生。長。譚。乃。逾。晷。刻。且。言。且。出。煙。具。陳。於。炕。几。呼。吸。既。畢。乃。問。生。亦。嗜。此。否。生。驚。恨。益。爲。風。翹。悲。遇。人。之。不。淑。也。占。魁。之。父。時。官。蒙。藏。院。簽。事。宦。囊。甚。清。苦。思。得。一。與。援。將。爲。其。子。結。婚。於。某。次。長。之。女。議。漸。定。矣。生。微。聞。其。事。遂。舉。鴉。與。章。婚。事。爲。揭。登。某。報。中。不。一。夕。人。咸。知。鴉。之。鬼。賊。某。次。長。亦。不。直。鴉。議。乃。寢。

鴉不得已。乃使占魁就婚於皖。贅於章焉。鳳翹之父。以鴉爲貴。介子弟也。恐資太薄。致貽訕笑。遂百計羅掘。窮極奢侈。吉日鴉入門。笙歌如沸。酒食如淮。親族之周旋者。盈於庭。孤屋一燈。荒村斗大。颶風雨而弔形影者。固大有人在。伊何人。則吾書中所稱爲呂鳳坪者是也。自念鳳翹於吾。雖無枕席之好。然而並肩密語。促膝低吟。閨房之樂。固有甚於畫眉。祇緣格於禮法。未遂所懷。又慨然以豪俠自居。直舉意中之人。贈之僧父。平時結構文字。遇此等境遇。往往不惜淋漓盡致。以博閱者之一哭。詎意今日身受。乃同櫛割。思至此。琳瑯滿袖。不知涕之何從也。是以鳳翹佳期。生轉絕迹。不至此意。他人不察。惟鳳翹察之審耳。鳳翹既嫁。占魁豔鳳翹之色。幾於終日不出房。闔惟占魁素嗜阿芙蓉膏。固不可一日無此君者。入贅之初。占魁竊以丹丸相代。與鳳翹既狎。則稍稍微露其意。鳳翹初不以爲然。苦口諫阻。占魁以行將戒除爲辭。惟未戒之先。則不可驟離此物。鳳翹賢私。告父母不得已。使其吸烟於家。占魁既擁嬌妻。又親燈火。南面王無此樂也。暇時亦召生與長譚。生偶一至。鳳翹之眷生也。亦如其初。惟生

覘彼二人之伉儷。慕篤心終不能無介介耳。十年烟禁。其議本創自清廷。雖國體變更。與外人所訂之條約。今總統亦在在履行。而於烟禁一端。進行尤厲。於是一般煙霞之客。大有朝不保夕之勢。風翹恐其夫蹈於法網。阻其吸食。不聽繼之以泣。亦不聽風翹之父。一日謂占魁曰。壻之贅我家也。忽忽已三載矣。朝而褰焉。夕而飡焉。粗糲之奉。膏恐簡褻。然而不遽捨壻者。以婿固非外人耳。今壻之嗜好。固無日不在法網之中。萬一不幸爲弋人所獲。區區罰金。尙不足惜。使親家聞之。不幾謂我老諄不能悟壻。使壻竟蹈刑辟。我何顏以對汝父母也。今與壻約。能戒則爲翁壻如初。不能戒。則壻攜吾女他去。老夫冥頑。畏見官府。竊不能代壻受過耳。占魁聞章翁言。大怒。語侵翁。翁亦不相下。幾至用武。風翹及其母橫身攔阻。不得已。乃遣僕人促生來。爲解紛焉。占魁見生來。絮絮述翁之無禮。並引生外出。將與生計議去。留生從之。占魁邀生至某所。甫入門。則燈光燦然。倚壁皆設短榻。蓋秘密賣烟窟也。生大驚。不遽入。占魁瞋目曰。先生真清白哉。偶一涉足。甯復玷污。令名我則問曰。必一至直是狗彘之不若矣。言際

髮上指。怒顏甚厲。生畏甚。知不能堅拒。足踣踣屏氣而隅坐。占魁此時乃指天畫地。詬詈老奴萬端。聲震屋瓦。達於戶外。他客恐有人聞聲窺伺。相率避去。占魁與生不知也是時鎮守安慶者爲某將軍。嫉吸烟者如仇。不稍寬貸。方遍布偵探。大索於四境。有軍士四人破扉直入。主人已潛從他門遁。惟捕占魁與生二人去。烟具悉爲搜羅。藉作犯罪者之憑證焉。將軍時方宴客。山珍海錯。雜陳於前。縱橫議論禁烟事。謂捕者不力。否則吾境早肅清耳。言未已。軍士入。則獲得二客來。贖證具在。乞軍指揮。將軍怒甚。顧軍士曰。槍斃之耳。絮絮奚爲。軍士大駭。又曰。犯雖獲。未得實供。在理不可殺。將軍愈怒曰。汝輩怯耶。速槍斃之。苟枉殺者。罪則吾任。不汝瑕疵也。軍士倉皇出。諸客咸驚。謬謂將軍雷厲風行。嫉惡固太嚴哉。方生與占魁之就捕也。事聞於章合家。大驚。親友咸來慰問。猶謂雖犯禁。重則徒刑。輕亦不過罰金已耳。於是相率至將軍署。探問消息者。絡繹不絕。詎意未及數小時。生與占魁已袒臂露胸。綁赴刑所。圍而觀者數百人。嗟乎。占魁不足誅。已彼生何辜。乃亦遭此巨禍。噩耗傳入。鳳翹之耳。不知其哀。

痛何如。但聞暈絕時。惟哀呼曰。鳳郎……鳳郎……

▲鐵頭頭陀

大隱隱于朝。小隱隱于市。闔閭之間。負奇技異能者。正自何限。特未展其所長。人亦顧往往忽之。此英雄不遇。所以負戟而長嘆者也。吾鄉有業海味者。有一年逾五十之傭夥。曰歐陽東。山陝間人。居肆近二十稔。恂恂無他長。動止不苟。主人倚爲左右手。同輩少失德。面斥之。不少諱。多爲人所憎惡。相約飽以老拳。一日小起衝突。羣來攢毆。東負傷如鱗。乃稍悔其戇直。深引爲咎。衆又曰。吾少施懲戒而已。苟再不悛者。當死汝。僮東又唯唯。歐風東漸交通。日益便陸車水。輪行旅無戒途之苦。故曩昔所謂鑣師者。幾無用武之地。至不得已。乃挾其技。術行乞於通都大邑間。鐵頭陀者。習少林拳術。年少保鑣於江湖。大江南北。無不耳鐵頭之名。道經維揚。向各市廛索旅費。貨必纍纍。數十百錢。不足壓鐵頭之欲也。至東所居肆。市僧與以銅元一鐵頭大怒。以爲輕己也。挾銅元豎立。以手指輕按之。銅元入木寸許。又舉所持鉢盂擲櫃上。孟巨而重。屹然如山立。張

目四顧若熊羆之伺獸羣夥大駭道旁觀者環如堵牆知鐵頭之必不善去也。咸欲觀其究竟東適從內出顧鐵頭微笑以兩指挾銅元出若拾芥然又哆口。徹吹鉢盂應氣而起飄墮地上其聲鏘然頓時裂作數十片清脆殊可聽觀者。駭絕鐵頭弗懼亦弗嘗惟瞪目直視東自首至足如是者三四嗒然遂去同輩。乃大奇畏相與頌讚東以爲天人而已知曩昔之開罪乃不與吾輩校以吾輩。殊不屑校耳東旋長嘆曰諸公勿譽我吾已種禍於今日竊不知死所矣諸公。爲我誌之明年今日我必離此而去鐵頭必來來必詢吾諸公須揚言我已。化否則殆矣人聞東言疑信參半逾一載東忽憶前事倉皇別主人主人慰留。之弗得東去不遠鐵頭果來環視不見東大恨問他夥有爲東諱者詰者則暗。示東之蹤迹以快其私鐵頭喜追東遙遙望見東背影東知鐵頭來逃益急有。知其事者道途爲塞猶隔岸觀火觀其紅燄以爲娛樂燄不甚則樂亦不甚也。東飛馳出城門前環以運河河水滔滔杳無舟楫鐵頭相去不能十數武忽見。上流有官舫隨波而下東急不能擇躍身立舫上求救於舟人速引舟飛馳避。

鐵頭凶餓鐵頭見東已登舟戟指遙罵聲振林木葉簌簌落如秋雨官舫中
軍官八人赴省謁將軍者見東狼狽狀問其故東具以告軍官咸曰以君雄武
乃畏一頭陀耶吾等爲君咸抱不平君不若與頭陀決一勝負吾等從而助君
殲頭陀反掌事耳以君雄武乃畏一頭陀耶言際囑舟人榜舟東益戰慄軍官
咸叱曰懦夫哉懦夫哉東曰不然貴人厚我爲小人吐氣小人寧敢逆貴人意
惟小人自量其力不足敵頭陀貴人乃云然是直死小人耳且貴人欲勝頭陀
必先能勝小人不能勝小人則無望勝頭陀小人死不足惜小人惜貴人矣軍
官益怒爭擊東東曰貴人勿爾小人植一臂貴人能憾而搖動之能勝小人斯
頭陀乃不足勝矣軍官曰諾撼東臂臂植立如故大譁咸起而撼之東臂植立
如故軍官羞愧面若赭相與議曰以吾一人之臂力量之可得二百斤集八人
則得一千六百斤舉不足撼君君之膂力視吾儕何啻倍蓰卽僅以倍論三千
二百斤綽乎其有餘裕矣再加吾等計共得四千八百斤天下軍有舉四千八
百斤之重量不能死一頭陀者君休矣吾益不能從君是時舟遂纚於岸頭陀

驚喜過望。遙招東以手使就。陸角力東快快無奈。何避入槍後。解衣結束。約炊許乃懷輿而出。軍官擁護前後。若警蹕然。頭陀見東來虎吼而奔。以頭觸東。東則挺胸迎之。四圍之人遙聞。噫一聲。猶前時墮磬至地時之清脆也。頭陀氣結而不揚。東亦舌橋而不下。少頃頭陀乃去。東歸舟。顧軍官等而歎曰。公等一言死頭陀矣。然吾茲所以勝之者。亦微倖耳。曠昔頭陀之見辱於吾也。吾知其必歸山思。所以爲報復計。今茲之來也。吾意竊不欲與之結冤。急思避其鋒。爲公等所黜。吾乃不得已。私從窗隙窺之。審其練氣歸腦。豈惟鐵頭直百鍊鋼矣。吾乃謀所以禦之。東銅鏡於胸。端平生之力以敵之。而頭陀之腦乃裂。勢不能延一日之生命。然創吾亦甚焉。東於是袒衣示軍官。銅嵌胸者半寸血膏。厚如錢。軍官咸愕。招東入伍。東不願。軍官命人馳視頭陀。果涅槃於大道中。

▲ 緒雲

江西百花洲省中之勝境也。去洲十餘里有村曰稻雲。無多居民。土壤肥沃。而風俗醇朴。有魯姓者。世居於是。春忙農事。秋賽田神。熙熙然有福地洞天之譽。

魯翁義和少業儒。長不能獲一衿。後亦絕志進取。家蓄古硯。多于西郊之山。明窗淨几之間。時拂拭而磨礱之。良足消遣。長晝年逾花甲。又無子女。惟一垂髫女郎。絕慧美。字曰赭雲。朝夕承老人色笑。不知者疑爲老翁之弱息。實則是女。爲其故友鳳鳴梧所生死後託孤于魯翁者也。魯翁環顧身世。常恐一旦溘然。朝露娟娟者。無所付畀。常欲及時爲謀。姻事田舍之家。難得佳子弟。彼蠢如鹿豕者。翁又雅不欲玷此鸞鳳。近鄰有畢士奎者。翩翩英俊之少年也。嗜讀書。家貧。惟奉一老母。庖廚之中。往往缺甘旨。魯翁屬意已久。惟不肯倉卒啓齒。蓋高年舉動。力持慎重。是其天性也。畢時年十六。與赭雲同庚。魯翁家本延師教赭雲讀。遂命畢凡有文字。亦來就正于師。修羊所需。魯翁代爲料理。畢感翁甚。又逆知翁意。晤赭雲時。意不能無眷眷。赭雲初學吟詠。師腐儒也。不知世變。猶教以爲試帖。一日以粉撲二字命題。屬其撰五言六韻。赭雲苦題艱窘。歷三日不能繳卷。師怪其遲。將加扑責。赭雲大懼。躑躅花下。愁雲堆於粉頰。適畢生來。問赭雲所苦。赭雲具以告。畢笑曰。妹毋然。我爲妹捉刀。於是拈筆成七律一章。屬